



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ
formulæ, tum Citationum, ac Monitionum pro validitate processuum
requisitarum, tum Decretorum, aliorumve actuum ad opportunitatem, &
ornatum materiæ incidentium; acceditque in calce Appendix miscellanea,
plura, ad Gubernium ...

Monacellus, Franciscus

Venetiis, 1709

Sententiæ declaratoriæ excommunic. contentæ in c. Quod in dubiis, de
sent. excom. Form XV.

[urn:nbn:de:hbz:466:1-62433](https://nbn-resolving.org/urn:nbn:de:hbz:466:1-62433)

contra eum procedendum ad declaratoriam Censurarum d. Bullæ S. Congreg. Im-
mun. in Alexandrina 16. Julii 1627. lib. 1.
Dec. Paul. pag. 55.

74 *Cedulones decernimus.* Judex Delegatus a Papa, non tantum habet potestatem cognoscendi, & decidendi causam sibi absolutè delegatam, sed etiam exequendi, vel alteri in loco, in quo fuit delegatus executionem committendi, eosque qui resistunt puniendi, *text. est in cap. significasti 7. de offic. Judic. deleg. & sic potest libere Cedulones relaxare, & publicare, & censuris suam jurisdictionem vindicare* Ros. de execut. litter. Apost. par. 2. cap. 6. n. 7. Pirhing. in jus can. lib. 1. n. 29. & trib. seqq. Sacr. Congr. Episc. in Cusentina

75 18. Decembr. 1699. Quidquid sit de mero, & nudo Exequutore sententiæ, sive gratiæ, cui sola exequutio est commissa, qui partes Judicis sibi vindicare nequit, ut advertunt DD. mox citati, & fusius examinat Navar. tom. 3. comment. ad cap. cum contingat de rescript. §. Secunda nullitas n. 25. & seqq. ubi quod executor merus Apostolicus excommunicare non possit, nec eum posse uti clausula--*Contradictores Ecclesiastica censura compellendo*--Et quidquid sit de executione Sententiæ Ordinarii alterius Diocesis, qui illam exequi,

nec Cedulones in forma authentica in alieno territorio, seu Diocesi affigere, & publicare non potest, sine licentia Ordinarii loci, ut probat Card. de Luc. *miscellan. disc. 22. n. 5.* sed hunc, litteris subsidialibus requirere debet, & excommunicationem ei notam facere, Graff. *const. lib. 5. part. 1. conf. 2. nu. 3. de excom.* Hic tamen habita notitia excommunicationis per litteras subsidiales, debet in sua Diocesi excommunicationem publicare, absque eo quod valeat cognoscere, an bene, vel male judicatum, ut docet Piassec. in *prax. par. 2. cap. 4. art. 13. n. 30.*

De excommunicatione ferenda contra in c. quod in dubiis de sent. excom.

Non semel accidit, quod homines in superbiam elati (& in c. quoniam multos 11. quest. 3. non comprehensi) clavibus, & potestate Ecclesiæ contemptis, communitent scientur cum pulicè excommunicatis; & cum hoc à Præsulibus non sit tolerandum, ideo si adhibitis prius Paternis monitionibus, non prodest ut hi resistant, non parcat abscissio; & præmissa canonica monitione, procedatur ad declaratoriam sequentem.

Sententiæ Declaratoriæ.

F O R M U L A XV.

Visa relatione nostri Promotoris Fiscalis, & informatione capta, & desuper communicatione N. rùm locutione, rùm mensa scienter, cum B. publicè, & solemniter excommunicato (cui nullum familiare obsequium de jure præstare tenetur, visa monitione canonica contra eum exequuta, ut abstineret à participatione, sub pœna excommunicationis majoris, quia parere detractat, & ex hoc d. excommunicatus, fortius indurescit, statuimus eundem participantem (vel participantes, si sint plures) *consimili damnare censura*: prout per præsentem nostram sententiam declaratoriam ipsum N. excommunicamus, & excommunicatum declaramus, Cedulones contra eum decernimus, & relaxamus, & publicè denunciari volumus, & mandamus omni &c.

N. Episcopus; sive Vic. Gen. N.

N. Actuarius.

SUMMARIUM.

- 1 Participans cum excommunicato vitando, non potest excommunicari, nisi prius moneatur, & constet non paruisse, & n. 3.
- 2 Participans cum excommunicato vitando, non incurrit si gaudet privilegio c. quoniam multos 11. q. 3.
- 4 Participantes cum excommunicato vitando in crimine damnato, sunt ipso jure excommunicati, & absque monitione, denuo excommunicari possunt.
- 5 Datur formula monitionis.
- 6 Excommunicatus, nisi ab aliis vitetur, contemnit potestatem Ecclesie.
- 7 Qui participat excommunicato in crimine, vel in Divinis, vel in Ecclesie contemptum semper peccat mortaliter, & ideo anathemate est feriendus.
- 8 Excommunicatio si contemnatur non est amplius pœna medicinalis, sed mortis æternæ damnatio.
- 9 Persona publica si contemnat communicare cum excommunicato vitando, vel excommunicationem in se latam, Episcopus potest procedere ad Interdictum locale Generale.

Denunciationis.

FORMULA XVI.

Hic auctoritate ordinaria declaratur, & denunciatur excommunicatus excommunicatione majori nobis reservata, N. ex quia paternaliter, & judicialiter monitus noluit abstinere à communionem publicè, & notoriè excommunicati, imò pertinaciter cum eo participare, & potestatem Ecclesie contemnere non desistit. Quare præcipimus, ut ab omnibus evitetur, & excommunicatus existat, donec Ecclesie plenariè satisfecerit, & à nobis absolvi meruerit. Datum &c.

N. Episcopus, sive Vic. Gen. N.

Loco ✠ Sigilli.

N. Attuario.

VEL

Con autorità ordinaria, si dichiara, e denuncia scomunicato di scomunica maggiore à noi riservata, N. per non haver voluto, benche ammonito paternamente, e giudizialmente, astenersi dal conversare, trattare, e mangiare scientemente con N. notoriamente, e pubblicamente scomunicato: anzi con pertinacia, e disprezzo dell'autorità della Chiesa hà partecipato, e comunicato collo stesso: Che però in vigore del presente comandiamo, che sia da tutti fuggito, vitato, e vogliamo che stia scomunicato fin tanto ch'haverà pienamente sodisfatto alla Chiesa, & ottenuta da Noi l'assoluzione. Dato &c.

N. Vescovo, ò Vic. Gen.

Luogo del ✠ Sigillo.

N. Attuario.

AD-